

經效產寶

清 曾殷撰

光緒七年序刊本

經效產寶提要

唐節度隨軍咎殷著。相國白敏中家藏善本。產育寶慶方四庫提要云。唐書藝文志有咎殷產寶一卷。始別列一門。今其書不傳云。是書在清季中葉。已不可得。其珍貴可知。婺源張君金城。近從日本購得影刻唐節度隨軍咎殷撰經效產寶三卷。後附續編一卷。書中薯蕷作薯藥。避唐諱而不避宋諱。其爲北宋本無疑。日人於中國醫藥舊籍。考察甚精。近如影刻北宋本千金方。元大德本千金翼方。其版皆由國人購回。現存蘇州。產寶一書。有光緒七年歸安凌嘉樂序。張氏影刻。其原書本無序目。令補鈔目錄於下。俾便稽考。其續編。濮陽李師聖郭稽中產論。在九頁後面。十頁上面空白。原闕第十二論。麻仁丸末。第十三論全闕。十四論闕論方藥味。存煎服法。炳章從產育寶慶方鈔補。以成完書。其卷上。列妊娠安胎方論第一。凡十一方。妊娠食諸物忌方論第二。凡五方。益氣滑胎令易產方論第三。凡一方。妊娠惡阻嘔吐不食方論第四。凡四方。胎動不安方論第五。凡十八方。妊娠漏胞下血方論第六。凡五方。妊娠心腹腰痛方論第七。凡十一方。妊娠熱病防損胎

方論第八。凡五方。妊娠患淋小便不利方論第九。凡二方。妊娠下痢黃水赤白方論第十。凡七方。妊娠水氣身腫腹脹方論第十一。凡四方。妊娠千金易產方論第十二。凡六方。治難產諸疾方論第十三。凡十二方。難產死生方論第十四。凡八方。難產令易產方論第十五。凡七方。胎死胞衣不出方論第十六。凡十八方。其卷中列產後心驚中風方論第十七。凡七方。產後餘血奔心煩悶方論第十八。凡十五方。產後渴不止方論第十九。凡二方。產後淋病諸方論第二十。凡六方。產後虛羸下痢方論第二十一。凡三方。產後腰痛羸瘦補益玉門不閉方論第二十二。凡六方。產後中風方論第二十三。凡十五方。產後餘血上搶心痛方論第二十四。凡六方。產後汗不止方論第二十五。凡五方。產後冷熱痢方論第二十六。凡二方。產後虛羸方論第二十七。凡三方。產後煩渴方論第二十八。凡二方。產後煩悶虛熱方論第二十九。凡六方。產後血瘕方論第三十。凡四方。產後餘疾痢膿血方論第三十一。凡八方。產後小便赤方論第三十二。凡二方。其卷下列產後小便遺血方論第三十三。凡四方。產後大小便不通方論第三十四。凡四方。產後寒熱方論第三十五。凡四方。產後咳嗽方論第三十六。凡三方。產後氣痢方論第三十七。凡六方。

產後血暈悶絕方論第三十八。凡十方。產後乳無汁方論第三十九。凡五方。產後乳結癰方論第四十。凡十九方。產後乳汁自出方論第四十一。凡三方。其續編列周頰傳授濟急方論。凡四方。濮陽李師聖施郭稽中論二十一證。凡十六方。產後十八論。凡九方。先述證論。後列方治。言簡意賅。方多經驗。爲產科之寶筏。題曰經效產寶。洵不誣也。

經效產寶提要

序

婺源張君金城。近購得日本所刻唐節度隨軍咎殷撰集。經效產寶書版。隨以印本。眎余。余讀其書。凡上中下三卷。後附續編一卷。書中薯蕷作薯藥。避唐諱而不避宋諱。復攷新唐書藝文志。有博士咎商著心鑑五卷。或卽斯人避殷作商。其爲北宋本無疑。日本邦人。於醫家舊籍。考察最精。近如北宋本千金方。元大德本千金翼方。顯於滬上。影宋本外臺祕要。購自粵東。今得是書。唐賢撰述。並可寶貴。余家雖習醫。苦於蒐藏無多。茲就所見。書諸卷端。至若方藥之合宜。在乎明哲者。取擇焉。

光緒七年春正月歸安凌德書於尙素軒

經效產寶

唐 節度隨軍 咎 殷 撰集

相國 白敏中 家藏善本

卷上

妊娠安胎方論第一 凡十一道

療妊娠三四個月。腹痛。時時下血。

續斷 八分

艾葉 六分

當歸 六分

竹茹 四分

乾地黄 六分

阿膠 四分

雞蘇 四分

右以水一升。煎取六合。去滓。空心再服。隔日更服。

治妊娠六七個月。忽胎動下血。腸痛不可忍。

芎藭 八分

桑寄生 四分

當歸 十二分

右以水一升半。煎取八合。下清酒半升。同煎取九合。分作三服。如人行五六里。

再溫服。

治妊娠下血。時時漏血。血盡子死。

生地黃汁三

清酒三合

右相和煎三四沸。空腹分溫溫服。

治妊娠心頭煩懣。兩脅脹。不下食。

檳榔三個

人參四分

肉豆蔻二分

生薑二分

右以水二升。煎取六合。分溫三服。

治妊娠身傷寒。頭痛壯熱。肢節煩痛。

前胡六分

石膏二分

知母四分

山梔四分

右水二升。煎取八合。食後分溫三服。

治妊娠胎動腰痛。及下血。安胎。

當歸四分

芎藭四分

柴胡五分

枳殼四分

桑寄生四分

大青四分

子芩五分

葱白七莖

甜竹茹三分

葱白莖二七

艾葉二分

茅根六分

鹿角膠六分炙末

右水二升。煎取八合。空心熱喫三服。

治妊娠損動安胎。

鯉魚一斤

粳米一升

右作臠食之佳。

治妊娠嘔吐不食兼吐痰水。

生蘆根十分

橘皮四分

生薑六分

檳榔二分

右以水二升。煎取七合。空腹熱服。

治妊娠脅滿腹脹。心胸煩。見飢即吐。漸加羸瘦。

赤茯苓四分

前胡四分

小半夏湯洗

生薑三分

白朮一分

大腹子五個

麥門冬去心

檳榔五枚

紫蘇四分

右水二升。煎取八合。空心分溫三服。

治妊娠常苦煩悶。此是子煩。宜服此方。

茯苓八分

防風六分

知母六分

竹瀝三合

生門冬十二分

右水二升。煎取七合。下竹瀝。食後作兩服。

治妊娠胎動不安煩悶。

當歸四分

芎藭三分

阿膠二時分

葱白十四

豉八合

桑寄生四分

右水二升。煎取八合。下阿膠。空腹分兩服。

妊娠食諸物忌方論第二 凡五道

食雞肉與糯米共食。令子生白蟲。

食鯉魚及雞子。令子多疳。

食羊肝。令子多厄。

食鴨子。令子倒生。

食兔肉犬肉。令子缺脣無音聲。

益氣滑胎令易產方論第二凡一道

潤胎益氣令子易生訶子丸。

檳榔八分 芎藭二分 吳茱萸三分 訶子皮蒸三分

右為細末。煉蜜為丸。如綠豆大。空心酒下十九丸。二十九丸。自七八個月。服至分
解。

妊娠惡阻嘔吐不食方論第四凡四道

論曰。夫阻病之候。心中潰潰。頭旋眼眩。四肢沉重懈怠。惡聞食氣。好喫酸鹹果實。多臥少起。三月四月多嘔逆。肢節不得自舉者。以此治之。

人參八分 厚朴六分 茯苓三分 葛根八分

白朮二分 橘皮六分 生薑一分

右水七升。煮二合。分溫三服。忌桃李醋等物。

治妊娠三四月嘔吐惡聞食氣。

橘皮 白朮各二兩

青竹茹

生薑

茯苓

右水六升。煎二升。分溫三服。忌同前。

治妊娠菹病。心中潰悶。見食嘔吐。憎聞食氣。肢節煩疼。身體沉重。多臥嗜睡黃瘦方。

人參八分

橘皮八分

茯苓十二分

生薑十二分

甘草十二分

大棗十二枚

生麥門冬去心十分

凡妊娠惡食者。以所思食。任意食之。必愈。右水五升。煎取二升。分溫三服。忌菘菜醋等。

胎動不安方論第五 凡十八道

論曰。安胎有二法。因母病以動胎。但療母疾。其胎自安。又緣胎有不堅。故致動以病母。但療胎則母瘥。其理甚效。不可違也。胎不動。不知子死生者。但看母唇口青者。兒死母活。口中青沫出者。子母俱死。口舌赤青沫者。母死子活也。

療胎數落而不結實。或冷或熱。

甘草三兩

黃耆

人參

白朮

芎藭

乾地黄

吳茱萸各二兩

右為末。空腹酒調二錢。忌菘菜醋等物。

治胎動不安。

好銀煮取

右着葱白。作羹食之佳。

治胎動下血。心腹絞痛。兒在腹死。活未分。服此藥。死即下。活即安。極妙。

當歸三兩

芎藭六兩

右水四升。酒三升。煮取三升。為三服。

治妊娠三二月。及七八月。胎動不安。或腰肚痛。有血下。

芎藭

當歸各四兩

艾葉二兩

甘草一兩

阿膠二兩

右水五升。煮取二升。分溫三服。古方無艾葉

治妊娠搶心。下血不止。腰腹痛不可忍。

上 銀煎一斤水一斗

芎藭四兩

當歸四兩

阿膠三兩

生地黄五兩

右以前銀水煮取二升。分三服。

治妊娠無故胎動不安。腹內絞痛。

葱白升切一

阿膠炙三兩

當歸四兩

川芎四兩

桑寄生

右取銀水七升。煮藥取二升半。分三服。

治妊娠五六月。胎猶不安。不常處。

白朮三兩

厚朴二兩

旋覆花一兩

黃芩二兩

茯苓三兩

生薑二兩

枳殼二兩

芍藥二兩令黃色

右以水七升。煮取二升半。食後分溫五服。

治胎動不安。

熟艾二兩

葱白升切一

阿膠炙二兩

右水四升。煮取一升半。分溫兩服。
又方

芎藭二兩 葱白切一

右水七升。煮取二升半。分溫三服。

治妊娠冷熱。腹內不調。致胎不安。

當歸三兩 乾薑三兩 芎藭四兩 艾葉二兩

右水四升。煎取二升。分爲四服。

治妊娠經八九個月。或胎動不安。因用力勞乏。心腹痛。面目青。冷汗出。氣息欲絕。

由勞動驚胎之所致也。

鈎藤二兩 伏神二兩 人參二兩 當歸二兩

桔梗三兩 寄生一兩

右水五升。煎取二升。分爲三服。忌猪肉菘菜。若煩熱加石膏五兩。臨月加桂心二兩。

治妊娠因夫所動困絕。

右取竹瀝。飲一升。立愈。

療妊娠被驚惱。胎向下不安。小腹痛連腰。下血。

當歸

芎藭

各八分

阿膠

人參

艾葉四分

大棗十二枚

茯苓十分

右水四升。煮取二升。分為三服。

治墮胎忽倒地。舉動擎促。損腹中不安。及子死腹中不出。

芎藭一兩

右為末。服寸七。須臾三服。立出。

治胎動衝心。煩悶欲死。安胎止痛。

甘草炙

當歸

芎藭

人參

阿膠

葱白

右以水七升。煎取二升。分為三服。

療妊娠忽黃汁下如膠。或如小豆汁。

粳米五升

黃耆五兩

右以水七升。煎取二升。分爲四服。
治妊娠胎動欲落。肚痛不可忍。

上 銀一斤

茅根去黑皮切二升

右以水九升。煮銀取二升。入清酒一升。同煎茅根取二升。分爲三服。立安。
療妊娠腹內冷痛。忽胎動。

薤白切一升

當歸四兩

右以水五升。煎取二升。作三服。

妊娠漏胞下血方論第六凡五道

療漏胎下血不止。胞乾卽死。宜急治之。

生地黄汁一升 酒五合

右同煎三五沸。分三服。頻喫瘥。

治妊娠下血不止。血盡子死。

生乾地黄末爲細末

右酒服方寸匕。日三服。夜一服。即愈。

治妊娠下血不止。及腹內冷者。

生地黄 乾薑

右兩味等分。同煎服。

治妊娠無故。卒下血不絕。

阿膠三兩

右清酒一升半。煎取一升。頓服。

又方

生地黄八兩

右搗碎。以酒浸。絞去滓。分兩服。以止為度。

療妊娠下血如月信來。若胞乾則損子傷母。

乾地黄五兩 乾薑五兩

右以水六升。煎取二升。下蜜少許。更煎兩沸。分二服。

妊娠心腹腰痛方論第七凡十一道

治妊娠二三月。腹痛腰痛。

當歸三兩

阿膠炙

甘草各二

葱白切一

右水七升。煮取二升。分三服。忌猪肉菘菜醋等物。

治妊娠三五月已來。忽心腹絞痛。

大棗十四枚

右取小便調服之。

治妊娠心腹痛不可忍。

鹽一斤燒

右以兩指取一撮。酒調服之。

治妊娠遍身痛。或衝心欲死。不能飲食。

白朮五兩

黃芩二兩

芍藥四兩炙

右以水六升。煮取二升半。為三服。緣胎有水致痛。兼易產。

治妊娠卒心痛。氣欲絕。

芎藭

當歸

茯苓各三

厚朴三兩

右水六升。煎取二升。分爲兩服。忌食如前。

治妊娠腰背痛。反覆不得。

鹿角一枚長五六寸燒令赤酒中淬之冷又燒之更淬以角碎爲度

右取酒飲之。作散服。鹿角亦得。

療妊娠先患冷氣。忽衝心腹。痛如刀刺。

芎藭 人參

茯苓

吳茱萸

桔梗 當歸各三兩

厚朴炙

芍藥各二兩

右水九升。煎取三升。分三服。氣下即瘥。

治妊娠患腹痛。并胎動不安。

葱白切一升 人參

厚朴炙

阿膠炙

芎藭各二兩 當歸三兩

右水七升。煎取三升。分作三服。

治妊娠疼痛不可忍。或連胯痛。此先服散

杜仲四兩

五加皮

阿膠炙

狗脊

防風 川芎 細辛 芍藥各三兩

草薺三兩 杏仁去尖八枚

右水九升。煮取二升。去滓。下膠。作三服。

治妊娠三兩月。腰痛不可忍者。先服前散後服此丸

續斷 杜仲各十分 芎藭三兩 獨活三兩

狗脊 五加皮 草薺 芍藥

薯藥 訶子已上各八兩

右為末。蜜和為丸。梧桐子大。空心酒下四十九丸。日再服。

治觸動胎。以致腰痛背痛。

杜仲 五加皮 當歸 芍藥炙

芎藭 人參 草薺各三兩

右以水七升。煎取二升半。分溫三服。

妊娠傷寒熱病防損胎方論第八 凡五道

論曰。非即之氣。傷折妊婦。熱毒之氣。侵損胞胎。遂有墮胎漏血。俱害子母之命。治妊娠傷寒。骨節疼痛。壯熱。不急治。則胎落。

葱 白升切一 前胡 葛根 石膏各十

青 黛六分 升 麻八分 梔子仁分十二

右以水七升。煮取二升半。分三服。

治妊娠頭痛壯熱。嘔吐不下食。心煩熱。

青竹茹 葛根 知母各三 蘆根一升

生麥門冬去心兩

右水七升。煎取三升。分三服。

治妊娠時氣頭痛。腰背強壯熱。

升 麻 黛 青 前胡 黃芩

山 梔各二 葛 根三兩 石 膏八分

右水五升。煎取三升半。分爲三服。

治妊娠婦六七月。傷寒熱入腹。大小便秘結不通。蒸熱。

前胡十分

大黃

石膏各二分

梔子仁十枚

知母

黃芩

茯苓

生薑各八分

右水八升。煎取二升半。後下大黃。更煎三五沸。分作三服。

治妊娠傷寒。苦熱不止。身上斑出。忽赤忽黑。小便如赤血。氣欲絕。胎欲落。

梔子仁

升麻各四兩

黛青二兩

石膏八兩

葱白切一

生地黄分二十

黃芩三兩

右水九升。煎取三升。作三服。忌熱物。

妊娠患淋小便不利方論第九凡二道

治妊娠患淋。小便澀不利。小腹水道熱痛。

冬葵子一升

芍藥二兩

黃芩

茯苓

車錢子各三兩

右以水七升。煎取二升。分溫三服。

妊娠下痢黃水赤白方論第十凡七道

論曰。妊娠下痢。皆因誤食生冷肥膩。冷即色白。熱即黃赤。氣不和。赤白相兼。攪刺疼痛。脾胃不調之所致也。

治妊娠患痢膿血。狀如魚髓。小腹絞痛難忍。

- 薤白切一
- 地榆
- 醋榴皮
- 黃連各三兩

阿膠炙二兩

右水七升。煎取二升半。分三服。忌生冷肥膩。

治妊娠痢白膿。腹內冷。

- 乾薑四兩
- 赤石脂六兩
- 粳米一升

右水七升。煎取二升。分三服。忌如前。

療妊娠腹痛。下痢不止。

- 黃連
- 石榴皮
- 當歸各三兩
- 阿膠炙二兩

艾半一兩

右水六升。煎至二升。分爲三服。忌如前。

療妊娠下痢。腹內痛。膿血不止。

黃連八分

厚朴炙

阿膠炙

當歸各六分

艾葉

黃蘗各四分

乾薑五分

右為末。空心。米飲調下一匙。日進三服。

療妊娠膝下刺痛。大便白。晝夜三五十行。

根

黃厚者塗蜜炙令焦

大蒜炮熟

右大蒜去皮。研如膏。和根黃末為丸。如梧桐子大。空心粥飲下三十九丸。日進三服。妙。

服妙。

療妊娠痢。黃水不絕。

厚朴炙三兩

黃連二兩

豆蔻連皮五枚

右水二升。煮取一升。頻服。忌如前。

治妊娠忽被驚奔走。墮胎。下血不止兼痛。

乾地黄四兩

當歸

艾葉各二兩

阿膠炙

芎藭各三兩

右水七升。煮取二升半。分作三服。痛加杜仲、五加皮各三兩。

治妊娠水氣身腫腹脹方論第十一 凡四道

論曰。臟氣本弱。因產重虛。土不尅水。血散入四肢。遂致腹脹。手足面目皆浮腫。小便秘澀。

治妊娠身腫有水氣。心腹脹滿。小便少。

茯苓 芩四兩 杏仁尖去 檳榔仁三兩 旋覆花

郁李仁各一兩

右水六升。煮取二升。分溫溫服。小便通即瘥。

治妊娠四肢皮肉拘急及腫。

桑白皮切二升 樟桂根一兩 赤小豆二升

右水一斗二升。煮二味。取七升。下小豆。煮令熟。先食豆。候渴即飲其汁。小便利即瘥。

治妊娠遍身洪腫方。

葶藶子十分 白朮二分 茯苓 芩二兩 桑白皮二兩

郁李仁八分

右水六升。煎取二升。作兩服。小便利即瘥。

又方

澤瀉三兩

葶藶子三兩

白朮六兩

枳殼炙

茯苓各六兩

右制度服。食如前。

妊娠千金易產方論第十一凡六道

論曰。夫婦人特將產至重者。胞衣也。凡胞衣不出者。世謂之息胞。由產時用力過度。已產而體已疲頓。不能更用氣。經停之間。而外冷氣乘之。則血澀逆否。故令胞衣不出。則不得斷臍浴沐。冷氣傷兒。則成病也。

舊方胞衣不損兒者。依法截臍。而以物繫其帶一頭。所有產時看生人。不用意護。而率挽胞系斷其胞。上掩心而夭命也。凡欲產時。必先脫常所着衣裳。以籠窻神驗。

胞衣不出方

竈下土一升大寸

右用好醋調令相和。內於臍中。續取生甘草湯三四合服。

又方

槐子十四枚 蒲黃一合

右酒煎溫服。須臾未效。更進一服。

又方

生地黄汁五合 生薑汁半大

右煎三四沸。頓服之。

又方

槐子槐枝切一升最好 麥八分 牛膝八分 通草十二分

白榆切一升大 冬麻仁一升大

右水五升。煎二大升。去滓。下麻仁。分三服。

小品顏服散。令易產。母疾病未生一月已前。預服。過三十日。行步不覺兒生。

甘草八分

粳米一合

大豆黃炒

黃芩

乾薑

桂心

吳茱萸

冬麻仁研如泥

右為末。空腹煖酒服方寸七。忌生冷肥膩。

又易產方

飛生鳥燒一隻

槐子十四枚

故箭羽片十四燒

右為末。蜜為丸。大覺痛服三十九。未產須臾再服之。

治產難諸疾方論第十二凡十二道

易產方

榆白皮分十四

通草分十二

葵子三合

滑石

蘗麥各八分

右水二升。煎取八合。分溫三服。

又方

羚羊角一枚燒刮取末

右以酒調方寸七服。

又方

滑石八分

葵子一合

榆皮二分

牛膝六分

右水一升八合煎取六合再服。

又方

含醋喫面悶卽喫之。

又方

吞槐子七枚卽下。

又方

吞鷄子白兩枚卽產。

又方

兩手各把一石燕立產。

又方

兔皮和毛燒灰

又方 右以酒調兩錢七卽產。衣不下。服之卽下。

大麻根三莖

又方 右水一升。煎取半升。頓服立產。衣不下。服之卽下。

弓弩絃燒灰

又方 右爲末。酒調方寸匕。服之卽下。

銅弩牙

又方 右燒赤。投於醋三合內。良久頓服。立產。

麝香一錢

右研水調服之。立產。

難產死生方論第十四凡八道

療胎死腹中不出。母氣欲絕。

水 銀二兩

右頓吞之。兒立出。

治產橫倒不出。

右令夫唾口中二七遍。立出。

療產經數日不出。或子死腹

蘗 麥六兩 通草三兩

右水九升。煎取三升。分三服。

又方

蘗 麥

右水煮取濃汁。服之佳。

療子死腹中不出。

伏龍肝三錢末

右酒調服之。土當兒頂上戴出妙。

桂 心三兩

榆白皮一

又方

朱砂一兩

右水煎數沸。然後取酒和服之。

又方

水銀二兩

右水煮二三十沸。服之立產。

滑胎易產。

白蜜

苦酒

猪脂各一升

右相和煎三四沸。臨腹痛時。以熱酒調下三四錢七。不過五六服即出。

難產令易產方論第十五凡七道

論曰。夫產難者。內宜用藥。外宜用法。蓋多門救療。以取其安也。療產難坐草數日。困乏不能生。此為母先有病。經絡俱閉所然。

赤小豆二升

膠三升

右水九升。煎令熟。去豆內膠。烱令清服之。須臾更一服。

又方

右令夫從外含水。吐着產婦口中。即出。

療難產。疑胎在腹已死。

當歸四分 芎藭六分

右水六升。煎取二升。分作兩服。便安胎。死即出。酒煎亦得。神驗。

治難產困乏腹痛。有所見兒及衣不出。

蒺藜子四兩 貝母四兩

右為末。每服一匙。酒調服之。時再服。以出為度。熱水調下。亦得。

治難產。

箭一隻燒為末

右以水調服之。

又方

鼈甲燒為末

右服方寸七立出。未生更服。

治療落胎腹痛。

芍藥

當歸

牛膝

嬰麥各五分

桂心

芎藭各四分

右以水一升七合。煎取八合。空心溫服。

胎死胞衣不出方論第十六凡十八道

療妊娠經五六月。胎死腹中。或胞衣不出。

生地黄五兩

牛膝

朴硝各八分

桂心

芎藭

大黃各六分

蒲黃五分

右水二升。煎取八合。入蒲黃空心作二服。

療子死腹中不出。

雄鷄糞二枚

右水二升。煎取五合。以米作粥食。胎即出。

治妊娠經六七月。子死腹中不出。

黑豆三合

右醋一升。煎取八合。空心。分溫三服。

治子死腹中。母悶絕。

水銀分二

右取井底土。如鷄子黃。水研服之。

又方

赤小豆

右生吞七枚出。若是女。即二七枚出。

經效理胎衣不出令爛。

牛膝

夔麥各四兩

滑石分八

當歸二兩

通草六兩

葵子一升

右方五升。煎取二升。分三服溫服。

又方



竈突土三撮

右和煖水服之。

崔氏治胎胞不出。

大豆一升

右苦酒五升。煮取三升。分為三服。

又方

右吞鷄子兩三隻。解髮刺喉中令嘔。若因熱。以水煮螻蛄一枚。三四沸。瀉口中

汁下。即出。

又方

大麥

小麥

小豆

右等分相和。煮取濃汁。飲之出。

又方

赤朱一兩

右研為粉。以苦酒和服之。即出。

又方

皂莢

右為末。着鼻中一兩度。自出。

療胞衣久不出。腹滿即殺人。服此方即爛。

桂心

牛膝

通草各三

滑石二兩

葵子一升

麥四兩

右水九升。煎取三升。分三服。甚效。

又方

麥四兩

桂心三兩

通草三兩

牛膝五兩

葵子一升

右水三升。煎取一升半。分為三服。

又方

真珠一兩

右研細。苦酒調服之。

又方

洗兒水

右取半碗服之即出。

治胞衣不出。

牛膝八兩

葵子二升

右水七升。煮取三升。分三服。

胎衣半出。半不出。或子死腹中。着脊不下。數日不產。血氣上衝。

牛膝六兩

葵子一升

榆白皮四兩

地黄汁八合

右水九升。煎取三升。分三服即出。

經效產寶卷上 胎死胞衣不出方論第十六

經效產寶

唐 節度隨軍 咎 殷 撰集

相國 白敏中 家藏善本

鄞縣 曹赤電 炳章 圈點

卷中

產後心驚中風方論第十七凡七道

論曰。產後心悶氣絕。眼張口噤。通身強直。腰背反偃。狀如癘疾。心忪驚悸。言語錯亂。皆是宿有風毒。因產心氣虛弱。風因產發成風症。

防風

當歸

茯苓

漢防己

麻

黃去節各八分

秦艸

人參

芎藭

獨活

白鮮皮

甘草炙

白微各六分

石

膏十二分

竹瀝二升

右水七升。先煮麻黃掠去沫。下諸藥。入竹瀝。煎取二升半。去滓。三服。忌菘菜猪肉生冷。

療產後狂語。志意不定。精神昏亂。心氣虛。風邪所致。

茯苓

乾地黄二分

遠志十分

白微

龍齒各十分

甘草炙

人參

防風

獨活各八分

右以銀一大斤。水一斗五升。煎取七升。下諸藥。煎取三升。分溫三服。忌如前。療產後心虛。忪悸不定。亂語謬說。精神恍惚不定。當由心虛所致。

人參

甘草炙

芍藥

當歸

生薑各八分

遠志

茯苓各十分

桂心六分

門冬去心

大棗各十分

右水八升。煎取三升。去滓。分溫三服。

療產後心氣虛損。卒驚強語。或歌哭嗔笑。性氣不定。

上銀一斤

桂心

甘草各六分

細辛四分

人參 生薑 遠志 茯苓 神各八分
 生地黄分二十 龍骨一分 大棗一枚
 右水八升。煮銀取一升半。入諸藥煎。分三服。溫溫進。
 療產後多虛弱羸瘦。苦大汗痢。皆至於死。此重虛故。若患中風謬語。昏悶不知人者。

人參 茯苓 羌活 桂心
 大棗 遠志各十分 竹瀝半一升

右水六升。煮取三升。下竹瀝。更煎取二升。分爲三服。
 療產後身忽痊。口噤面青。手脚強急。
 右竹瀝二升。飲之。最佳。

療產後惡寒壯熱。一夜三五度發惡語。口中瘡生。時時乾嘔。困乏欲絕。

人參 獨活 白鮮皮 葛根
 防風 青竹茹 遠志各六分 茯苓 神八分
 白 欵十分 玄參分十二 竹瀝半二升

右銀一斤。水一斗五升。煎取七升。下諸藥。重煎取三升。分溫三服。忌魚酒麵等物。

產後餘血奔心煩悶方論第十八 凡十五道

論曰。餘血奔心。蓋是分娩不了解。便與童子小便并扞心下。及臥太早。兼食不相宜之物所致。但能依方療之。無不痊可。

療產後心中虛熱煩悶。氣欲絕。

- 大棗 十二分
- 茯苓 十二分
- 生薑 八分
- 甘草 五分

- 竹瀝 一升
- 人參 六分方發
- 粳米 若食小加三合
- 生麥門冬 二十分

右水六升。煎取三升。方入竹瀝。更煎取兩分。分溫三服。

療產後餘血不盡奔衝。心煩悶腹痛。

- 生地黄
- 芎藭 各三兩
- 枳殼 炒
- 芍藥 各三兩

右搗篩為末。酒服方寸匕。日進二服。

又方

生藕研汁
右飲二升甚效。

又方

清酒一升 生地黄汁一升

右相和煎一沸分爲兩服。

療產後腹內塊痛不止。

芎藭 當歸 芍藥 乾薑 各二

右搗羅爲末酒調方寸七日三服。

療產後下血不盡腹內堅痛不可忍。

當歸 芍藥 桂心 桃仁 各三

右水六升煮取二升分溫二服如未瘥加大黃三兩。

療產後血結下不盡腹絞痛不止。

大黃別浸 當歸 乾地黄 芎藭 各十

芍藥 桂心 甘草 黃芩 各六

桃仁四枚

右水七升。煮取二升半。下大黃。更煎三沸。分爲三服。

療先患冷氣。因產後發腹痛。

芎藭

桂心

當歸

茱萸

茯苓

芍藥

甘草各六分

桃仁去尖

右水七升。煮取二升。分三服。

治產後心腹切痛。不能食。乏氣忽熱。

當歸

芎藭

黃芩

人參

甘草

芍藥

防風

生薑各三分

桃仁八枚

右水七升。煮取二升。下大黃。更煎三沸。分作三服。

療產後血不盡。腹中除痛無計。

青木香

當歸

牛膝

芎藭

黃耆

芍藥各八分

大黃分三

芒硝分二

右水七升。煎取二升。後下大黃。更煎三沸。分三服。
療產後血下不止。虛羸迨死。

蒲黃二兩

右水二升。煎取八合。頓服。

療產後血泄不止。無禁度。

乾地黄末

右酒服匙頭。日三四服。

療產後餘血攻心。或下血不止。心悶面青。冷氣欲絕。

羊血

右以一盞頓服。如不定。更服立效。

療氣痛欲死。

槐雞半兩

右爲末。用酒濃煎。頓服立愈。

療產後餘血作痛兼塊者。

桂心 薑黃

右等分爲末。酒服方寸匕。血下盡妙。

產後渴不止方論第十九凡二道

療產後渴不止。飲水。小便數多。

土瓜根 栝蓂根 人參 甘草

牡蠣粉各二兩 大棗十二枚

右水九升。煮取三升。分溫三服。

療產後大渴不止。

蘆根切一升 栝蓂三兩 人參 甘草

茯苓各三兩 大棗十二枚 生麥門冬四兩

右水九升。煮取三升。分爲三服。頓服。四劑即瘥。忌菘菜。

產後淋病諸方論第二十一凡六道

論曰。產後患淋。因虛損後有熱氣客於胞中。內虛則起數。熱則小便澀痛。故謂之淋。又有因產損血氣。血氣虛則挾熱。熱搏於血。血即流滲於胞中。故血隨小便出。為血淋者。如雨之淋也。

瞿麥

黃芩

冬葵子各二兩

通草三兩

大棗十二枚

右水七升。煮取二升半。分作兩服。

療產後血淋。

車前子

瞿麥各四兩

黃芩三兩

鬱金末一兩

右水六升。煮取二升。下鬱金末。分三服。

廣濟療產後卒患淋。小便澀痛及血淋。

冬葵子三合

石葦二兩炙去毛

通草

黃芩

滑石

茯苓各三兩

右水二升。煎取一升。下滑石。空心服。

集驗療產後患淋。小便痛。

石 葦炙去毛

黃 芩各二兩

通 草

芍 藥

甘 草

冬 葵 子各三兩

榆 白 皮五合

右水二升。煎取一升。空心溫溫服。

經效療產後氣淋熱淋。

貝 齒兩枚燒末

葵 子二兩

石 膏五兩

陽 石末三兩

右水二升。煎取一升。下兩般末。空心服。

療產後淋。小便痛。及血淋。

黃 茅五兩

瞿 麥二兩

車 前 子二兩

通 草三兩

冬 葵 子二合

鯉 魚 齒一百枚為末

右水二升。煎取一升。入齒末。空心分兩服。

產後虛羸下痢方論第二十一 凡三道

論曰。產後本虛患痢。更加羸弱。飲食不進。便痢無常。赤白不定。蓋因飲食傷於生

冷之所致。

療產後虛羸。下痢膿血腹痛。

黃連

芍藥

甘草

當歸

乾薑

人參

艾葉

當歸

右水七升。煮取二升。分爲三服。忌猪鹿肉。

療產後痢不禁。止困乏氣欲絕。無問赤白水穀。

黃連

厚朴

芍藥

黃柏

右水六升。煮取二升。分爲二服。

療產後痢赤白。心腹絞痛羸困。

地榆

石榴皮

黃連

當歸

薤白

右水七升。煮取二升半。分爲三服。

產後腰痛羸瘦補益玉門不閉方論第二十二

療產後少氣困乏虛煩。

人參分十二

甘草

桂心

茯苓

芍藥各八分

生地黄

生麥門冬各二分

右水九升。煮取三升。分溫三服。

療產後喘乏氣羸。腹內絞痛。自汗出。

黃耆

人參

茯苓

甘草

當歸

芍藥

五味子

白朮各八分

澤蘭葉

橘皮各六分

訶子

麥門冬各二分

桂心

乾地黄各二分

右擣羅為散。煉蜜和丸。如梧桐子大。空心酒下三十九。日再服。

療產後風虛羸弱勞瘦。不生肌肉。

黃耆

當歸

芍藥

人參各二兩

桂心

甘草炙

芍藥

生薑各八分

大棗枚十二

右水七升。煮取三升。分溫三服。
療產後虛勞。骨節疼痛。頭疼汗不出。

當歸 人參 生薑各二 黃耆三兩
豉五合 粳米三合 猪腎一對 薤白切三

又方
右水一斗五升。先煮猪腎取六升。後下諸藥。煎至二升。分爲三服。

猪腎 一對
右入葱豉作臠。如常食之。

療產後大虛。心腹急痛。血氣上搶心。氣息乏補益方。

黃耆 白朮 當歸 甘草炙
人參各二 生薑四兩 白羊肉

右水一斗九升。煮肉取五升。後下諸藥。更煎取三升。爲三服。
療產後陰腫。下脫肉出。玉門不閉。

石 灰一斤 炒

右水二升。投灰中。停冷澄清。重燒以浸玉門。斯須平復如故。

產後中風方論第二十三凡十五道

論曰。產後中風。由產傷動血氣。勞損臟腑。未平復起。早勞動。氣虛而風邪氣乘之。故中風。風邪冷氣。客於皮膚經絡。但疼痺羸乏。不任少氣。若又筋脈挾寒則攣急。喎僻。挾溫則弛縱緩弱。若入諸藏。恍惚驚悸。隨其所傷臟腑經絡而生病。療產後中風口噤。不任小大。獨活湯。

獨活四分

乾薑六分

甘草二分

生薑六分

右水二大升。煎取一大升。分爲兩服。

小品大豆湯。主產後中風困篤。或背強口噤。或但煩躁。或頭身皆重。或身癢。劇者嘔吐直視。此皆虛冷中風。宜餌此。

大豆三升極熟

右以銅器盛清酒五升沃之。密封良久。去豆分爲三服。服了覆衣取微汗。身才潤即愈。產後皆宜服。一則防風。二乃消血。

張仲文療產後中風受寒。遍身冷直。口噤不識人等方。

白朮四兩

右酒三升。煎取一升。頓服之效。

千金雞糞酒。療產後中風。及男子諸中風。并產後百疾神效方。

烏雞糞三升 大豆二升

右先炒豆令聲絕。次炒雞糞令黃。以酒一升。先淋雞糞。取汁淋大豆。每服一升。重者凡四五日。服之極妙。

經效療產後風虛頭痛。語言時僻。

乾葛

防風

茯苓

麥門冬各八分

芍藥

黃芩各六分

犀角四分

甘草三分

右水二升。煎取七合。分爲兩服。

療產後中風心忪悸。或志意不定恍惚。言語錯亂方。

人參六分

茯苓

麥門冬

羚羊角各八分

黃芩

白鮮皮

甘草各四分

石膏十二分

淡竹瀝兩合

右水二大升。煎取七合。下竹瀝分爲三服。
療產後中風。身背拘急如束。并渴。

芎藭

芍藥

羌活

羚羊角

酸棗仁兩各四

桑白皮六分

防風五分

右水四升。煎取二升。分溫三服。

療產後中風。四肢拘束。筋節掣痛。不得轉側。角弓反張。

麻黃去節

生薑

桂心

白朮各四分

防風

芍藥各六分

芎藭五分

甜竹瀝二合

右水三升。先煎麻黃掠去沫。下諸藥。煎取七合。方下竹瀝。更煎三沸。食後分三服。取微汗爲度。

療產後中風。血氣不散。邪氣入藏。狂言妄語。精神錯亂。腰痛骨疼。

麻黃

茯苓各八分

防風

白鮮皮各六分

杏仁

當歸

桂心各四分

芍藥

獨活各五分

右水二升五合。煎取九合。空腹熱服。

療產後中風。身體疼痛。四肢痿弱不遂。羌活湯。

羌活

芍藥

黃耆各六分

乾葛

麻黃

乾地黄各八分

甘草

桂心各四分

右水二升。先煎麻黃去沫。後下諸藥。取八合。食後熱服。覆衣出汗。愈。

療產後中風。煩渴。

紅花子五合微熱研碎

右水一升。煎一匙頭。取七合。徐徐呷之。

療產後中風。口噤。四肢頑痺不仁。或如角弓張。

羌活

防風各三分

大豆令升炒

右酒五升。先浸兩味。經宿。將炒豆熱投酒中。攪勻。蜜封一日。以湯煮瓶良久。服

八合。覆衣取汗。急速。且以豆淋。服羌活。防風亦佳。

療產後中風。腰背強直。時時反張。名風痙。

防風

葛根

芎藭

乾地黄各八分

麻黃去節

甘草

桂心

獨活

漢防己各六兩

杏仁五枚去尖

右水八升。煮麻黃去沫。後下諸藥。煎取三升。分溫三服。療產後中風口噤。潰悶不能言。身體痙直。

羌活

防風

秦艽

桂心

甘草

葛根各三分

生薑八分

附子一炮

杏仁八十枚去尖

麻黃十分去節

右水九升。先煮麻黃去沫。後下諸藥。取二升。分爲三服。

療產後中風口噤。拘急困篤。腰背強直時反張。

大豆二升令聲絕炒

右清酒六升投之。煮三四沸。去滓飲之。令微醉。如汗出瘥。切勿觸風。如已成風者。加鷄糞白和豆炒。同喫。兼飲竹瀝佳。

產後餘血上搶心痛方論第二十四 凡六道

論曰。夫產後血上搶心。由產後氣虛挾宿冷。冷搏於血。則凝結不消。氣逆上者。則血隨上衝擊而心痛也。凡產後餘血不盡。得冷則結。與氣相搏則痛困。重過於寒。血結尤甚。

乾地黄

當歸

獨活

吳茱萸

芍藥

乾薑

甘草

細辛

右水三升。煎取一升。空心分三服。忌生冷。

經效療產後氣虛冷搏於血。血氣結滯。上衝心滿脹。當歸湯。

當歸

桂心

芎藭

橘皮

生薑

吳茱萸

芍藥

右水三升。煮取一升。空心服。

千金治產後內虛寒氣入腹。腹中絞痛。下赤白痢。妄言見鬼。羊肉湯。

甘草

當歸

芍藥

肥羊肉

右水六升。先煮肉取二升。去肉入諸藥。更煎取一升。分作兩服。

千金翼茱萸酒。論心腹內外痛。

吳茱萸分十二

右酒二大升。煎取一升。空心分兩服。

必效療腹中絞刺痛方。

羌活二大

右酒二升。煎取一升。去滓。分爲兩服。

千金治產後渴少氣。

麥門冬

淡竹葉各分二

大棗七枚

生薑

甘草

人參各分六

小麥五合

右水二升半。煎取一大升。去滓分兩服。

產後汗不止方論第一一十五凡五道

論曰。產後汗不止。夫汗由陰虛而得。又加之裏虛表實。陽氣發於外。故汗出爲陰虛。是令汗出。爲陰氣虛弱未平復也。凡產後皆血氣虛。故多汗。因遇風邪。則變爲疾也。

千金治產後風虛。汗出不止。小便難。四肢微急。難以屈伸。

大棗十二枚

附子

桂心兩四分

芍藥八分

生薑六分

右水三升。煎取七合。空腹分為兩服。忌猪肉冷水生葱等物。

經效療產後汗不止。

黃耆十二分

白朮

牡蠣

茯苓

防風

乾地黄

麥門冬各八分

大棗七枚

右水二升。煎取七合。空心分為兩服。

千金治產後餘疾。腹中絞痛。不下食。瘦乏。

當歸

黃耆

芍藥各六分

乾地黄

白朮各八分

桂心

甘草各四分

大棗十四枚

右水二升。煎取八合。空心作兩大服。忌生葱。

產後冷熱痢方論第二十一凡二道

療產後驟血不止。續命湯。

白蜜頭一匙 生薑一片

右同煎。候蜜色赤。投童子小便一升。去薑。更煎兩沸。分爲三服。頓服之。

廣濟治產後腹痛氣脹。脅下悶。不下食。兼微痢。

茯苓 人參 當歸 甘草各六分

生薑 陳橘皮各四分 厚朴八分

右水二升。煎取七合。空心分爲兩服。忌如前。

產後虛羸方論第二十七凡三道

論曰。產後虛羸者。因產損傷臟腑。勞侵氣血。輕者將養滿日即瘥。重者日月雖滿。氣血猶不調和。故患虛羸也。

廣濟治產後風虛冷氣。腹肚不調。補益悅澤。

澤蘭 桂心 遠志 厚朴炙

石斛 白芷 續斷 防風

乾薑各三分 芎藭 白朮 柏子仁
 黃耆各四分 甘草 當歸各五分 赤石脂

乾地黄各六分 人參三分

右擣羅為末。煉蜜為丸。如梧桐子大。空心酒下五十九丸。忌如前。

桃仁煎。療產後百病。及諸氣。補益悅澤。

桃仁一千二百枚 去皮 尖炒熟研如膏

右酒一斗五升。研濾三四遍。如作麥粥法。以極細為佳。內長頸小瓶中。密封頭。內湯中。煮一日一夜。使瓶口常出湯上。勿令沒。熟後以酒服一合。日再服。

千金增減澤蘭丸。療產後百病。治血補虛勞。

澤蘭 防風 甘草 當歸
 芎藭各七分 乾薑 麥門冬各八分 附子
 白朮 白芷 桂心 細辛各四分
 柏子仁 乾地黄 石斛各六分 人參
 牛膝各五分 厚朴 藁本各二分

右為末。蜜丸。梧桐子大。空心酒下二十九。忌如前。

產後煩渴方論第二十八 凡二道

論曰。產後煩渴。夫產水血俱下。臟腑燥。津液不足。宿挾虛熱者。燥甚故渴也。經效理產後血氣心煩渴。

紫葛三兩大兩

右水二升。煎取一升。去滓。呷之效。

集驗療產後心煩渴。

瓜蒌根

人參

甘草炙各六分

麥門冬二分

大棗七枚

生地黄十二分

右水二大升。煎取八合。食後分為兩服。

產後煩悶虛熱方論第二十九 凡六道

論曰。產後煩悶虛熱。夫產即臟腑勞傷。血氣傷而風邪乘之。搏於血。使氣不宣。而

痞澀則生熱。或肢節煩疼口乾。但因生熱。其煩悶由產後血氣虛弱未復。而氣逆乘之。故煩悶也。其氣故令脅滿。妨不下食。

生地黄汁一升 當歸半兩 清酒五升 生薑汁三合

童子小便二升

右相和合煎三四沸。分溫四服。中間藥消進食。食消更進藥。

經效理血氣煩悶。脅肋脹滿及痛。

芍藥 蒲黃 延胡索各四分 當歸六分

荷葉蒂三枚炙

右水二升。煎七合。後入蒲黃。空心服兩服。

又方

生藕

右取汁。煎兩沸。飲兩服效。

集驗療產後血氣煩悶。

酒二合 生地黄汁一升

右相和煎一兩沸。分爲兩服。立效。

千金療產後血氣喘心煩悶不解。

淡竹葉

麥門冬

小麥

茯苓各二分

甘草

生薑各一兩

大棗七枚

心悸。加人參二兩

食少。加粳米二合

右水二升。煎取七合。食後分爲兩服。

療產後血下不盡。煩悶腹痛。

羚羊角

炭火上燒作膠二兩古方燒作灰

芍藥炒二兩黃

枳殼焦二兩炒令

右搗羅爲散。水調方寸七服之。

產後血瘕方論第二十二凡四道

論曰。產後血斷。由新產之後。有血氣相搏。謂之瘕。瘕者。假也。謂其痛浮走無定。緣內宿有冷血氣。不治。至產血下即少。故成此疾。

童子小便三升

生藕汁一升

地黄汁一升

生薑汁三升

右先煎三味。合三分。減二次。下薑汁。慢火煎如稀錫。每取一合。煖酒調服。
療血瘕痛。臍下脹。不下食。

當歸 八分

桂心

芍藥

蒲黃

鱗 各六分

延胡索 四分

右為散。空心溫酒調下兩錢七。

千金療血瘕。

乾地黄 一兩

烏賊魚骨 二兩

右為散。空腹溫酒下兩錢七。

又方

鐵秤錘 燒赤

右以酒一升淬之。分為兩服。

產後餘疾痢膿血方論第三十一 凡八道

論曰。產後餘病。由產勞傷臟腑不足。日月未滿。起早勞動。虛損不補。為所傷冷。氣

力瘦乏。若風冷入於胃。胃傷虛冷。則血即變白膿。膿血相雜。冷熱不調。為滯痢也。深師方。

黃連六兩 烏梅三兩 乾薑二兩

右為末。煉蜜為丸。如梧桐子大。空心米飲下三十九丸。忌如前。

廣濟療產後赤白痢。臍腹絞痛。

當歸 黃連各八兩 艾葉 地榆

甘草炙 龍骨 厚朴 黃芩

乾薑 各六兩

右水二大升。煎取七合。空心分兩服。

經效療產後赤白痢。臍下氣痛。

厚朴八分 當歸 枳殼 訶子各六分

甘草五分 肉豆蔻五枚 薤白三合

右水一升。煎取九合。空心分為三服。

張仲文療產後赤白痢。腹中絞痛。

黃連

阿膠炙

蒲黃各一

梔子仁

當歸

黃芩

右為散。空腹米飲下方寸七。日兩服。

救急療產後赤白痢。腹中絞痛。

芍藥

阿膠

艾葉各二

乾地黄

甘草

當歸各三

右水二升。煎取八合。空心分兩服。

必效療產後赤白痢。腹中絞痛。不下食。

當歸

石榴皮

地榆各二

白芨荷

黃連各十

黃柏一分

犀角四兩

黃芩

枳殼

甘草

升麻各六

茜根八分

粳米二合

薤白切一

右為末。蜜丸。如梧桐子大。空心米飲下二十九。

療產後血痢。小便不通。臍腹痛。

生馬齒菜

右擣取汁三大合。煎一沸。下蜜一合調。頓服。

千金療產後水痢。霍亂下痢無度。

白石脂

乾薑各十分

右為散。麵粥為丸。梧桐子大。空心米飲下三十九。

產後小便赤方論第三十二 凡二道

論曰。產後小便數。此由胞內宿有冷。因產後冷發動。冷氣入腹。虛弱不能制。其小便即數。有遺尿者。由產用氣。傷於膀胱。而冷氣入於胞。胞囊決漏。不禁小便。故令遺失。多因產難之所致。

廣濟療產後小便不禁。

雞屎燒作灰

右研細。空腹酒服方寸七。

千金翼療產後小便數及遺尿。

桑螵蛸三枚炒

鹿茸炙

黃耆各三兩

赤石脂

厚朴炙

牡蠣各二兩

右搗羅為末。空心米飲調下方寸七。忌冷茶毒等物。

經效產寶卷中 產後小便赤方論第三十二

三二

經效產寶

唐 節度隨軍 咎 殷撰集

相國 白敏中家藏善本

鄞縣 曹赤電炳章圈點

卷下

產後小便遺血方論第三十二凡四道

療產後大小便利血。

車前子

黃芩

蒲黃

乾地黄

牡蠣

芍藥各六分

右為散。空心。米飲服方寸匕。忌麵蒜。

崔氏療產後血氣滲入大小腸。

車前草升一

蜜合一大

右相和煎取一沸。分為兩服。

又小便利血。

亂髮燒灰研如粉

右米飲服方寸七。

古今經驗療產後勞傷熱。大小便赤澀。

雞蘇一分

通草十分

冬葵子三合

芍藥

滑石

芒硝各八分

生地黄十二分

右水三升。煮取八合。下芒硝。空心分三服。

產後大小便不通方論第二十四凡四道

論曰。產後大小便不通。腸胃本挾於熱。因產大小便血俱下。津液竭燥。腸胃痞澀。

熱氣結於腸胃。故不通也。

集驗療產後津液竭燥。大小便不通。

芍藥

大黃

枳殼

麻

仁二研各

右爲末。煉蜜和丸。梧桐子大。空心。熟水下二十丸。漸加之。以利爲度。經效療大便不通。熱氣結於腸胃。

大黃二兩 芒硝一兩

右水一大升。煎取六合。下芒硝。空心。作兩服。

古今錄驗療產後大便不通。

黃芩 芒硝各六分 大黃 芍藥

杏仁去皮尖研如

右爲末。蜜丸。梧桐子大。空心。煎水下十五丸。漸加。以利爲度。

千金療產後熱結大便不通。

蜜五合火煎令強以

右捻如拇指大。長二寸。內下部即通。

產後寒熱方論第三十五凡四道

論曰。產後寒熱。因產勞傷血氣。使陰陽不和。反相乘尅。陽勝則熱。陰勝則寒。陰陽

相激。故發寒熱。又產餘血亦令人寒熱。其腹時痛則是也。
療產後虛弱喘乏。作寒熱。狀如瘧。名為蓐勞。

猪腎一具切去膜 豉五合綿裹 白梁二合 葱白切一

人參 當歸各一兩

右水二升。煎取八合。分爲兩服。

經效療產後虛煩頭痛。氣短欲死。心亂不解。

淡竹茹 乾葛各八分 甘草六分 麥門冬舒三

小麥二合 石膏十二分

右水二升。煎取八合。食後分爲兩服。

療產後虛熱煩痛。

乾地黄 牡蠣 茯苓各八分 芍藥十二分

黃芩 桂心各六分

右水二升。煎取一升。分爲兩服。

產後咳嗽方論第二二十六凡三道

論曰。喘嗽肺臟微寒。即成喘嗽。又因產後氣虛。風寒傷於肺。故令咳嗽。集驗療產後風傷寒。咳嗽多疾。唾粘。

甘草

桔梗各六分

款冬花四分

生麥門冬

生地黄各二分

葱白一握

豉二合舊方不入葱白與豉

右水二升。煎取八合。食後。良久兩服。

經效療咳嗽多痰。唾粘氣急。

前胡

五味子

紫苑

貝母各六分

桑白皮

茯苓各八分

淡竹葉二十

右水二升。煎取八合。食後分爲兩服。

療產後咳嗽氣喘。

百部根

桔梗各六分

桑白皮十二

乾百合

赤茯苓各八分

右水二升。煎取七合。食後。分兩服。

產後氣痢方論第三十七凡六道

論曰。妊娠之時。脾胃氣挾於冷。大腸氣虛。因產後轉加虛損。或誤食生冷酒麵。便成痢疾。赤白氣不和。赤黃胃熱。或青色極冷也。療產後氣痢不止。

青木香三分

訶子皮八分酥炙令黃

右為散。空心。米飲調方寸匕。服之。

療產後赤白痢疾。

黃連八分

阿膠炙六分

赤茯苓

當歸

黃檗各四分

乾薑三分

右為末。蜜丸。如梧桐子大。空心。粥飲二十丸。

療產後水痢。

枳殼四分

厚朴炙

茯苓

黃連各六分

當歸三分

右水一升。煎取八合。空心。分為三服。

又方

黃連 六分

烏梅肉 五分

石榴皮

當歸

赤石脂 各四分

乾薑 三分

右為末。蜜丸。梧桐子大。空心。米飲下三十丸。

療產後下痢。赤白有血。

赤石脂

黃連

地榆 各六分

當歸 四分

乾薑

甘草 各三分

厚朴 二分

薤白 七莖

右水二升。煎取八合。空心。分兩服。

療產後血痢不止。

臭樗根 六分

右為末。水和丸。如棗核大。麵担作鈍餛。每度煮二七個。熱吞之。

產後血暈悶絕方論第二十八 凡十道

論曰。產後血暈者。其狀心煩。氣欲絕是也。亦有用心過多而暈。亦有下血極少亦暈。若下血多暈者。但煩而已。下血少而氣逆者。則血隨氣上。擦心下滿急。此二者。

難並為暈。而狀候各異。當問其產婦血下多少。即知。須速投方藥。若不急療。即危其命也。凡暈者。熱血氣乘虛奔逆上所致也。但才分解了。燒秤錘江石令赤。置器中。向產母床前帳裏投醋。淬之。得醋氣可除血暈之法也。十日內時時作。此法不妨暈者。如日月之有暈也。經效產後虛悶。汗出不識人。

鷄子三個

右打破吞之便醒。不醒者。可灌童子小便。入腹即醒。若久不醒。忽時時發者。此為有風。因產血氣暴風。虛風行脈中。若虛去血多者。尤甚也。產後血氣暴虛。汗出。

淡竹葉

右煎湯三合。微溫服之。須臾再服。

又方

馬齒菜研取汁三大合如無用乾者亦得

右煎一沸。投蜜一匙。令勻頓服。

廣濟療產後血暈。心悶不識人。神言鬼語。氣息欲絕。

芍藥

甘草各一兩

生地黄升一

丹參四分

生薑汁

蜜各一合

右水二升。煎取八合。下地黄、薑、蜜汁。分兩服。

療產後惡露不多。下腹絞痛。

大黃八分

牛膝六分

芍藥

蒲黃各四分

牡丹皮

當歸各二分

右為末。空心煖酒服。方寸匕。

救急療產後血不盡。疼悶心痛。

荷葉炒令香

右為散。煎水調。方寸匕服。

療初平安。血氣煩悶。

童子小便五合

生地黄汁三合

右煎三沸。溫再服。

療產後血暈心悶。

蒲黃四分

紫葛

芍藥各入

紅藍花分十二

右水二升煎取七合。入生地黄汁二合。更煎三五沸。每服三合。產後血暈心悶亂恍惚如見鬼。

生益母草汁三合亦得地黄汁二合

小便一合

鷄子取三枚

右煎三四沸。後入鷄子清。勻攪。作一服。產後血暈狂語不識人狂亂。

童子小便五合

地黄汁一合

赤馬通七枝

紅雪八分

右以上二味。浸馬通絞去滓。下紅雪。溫兩服。

產後乳無汁方論第三十九凡五道

論曰。氣血虛弱。經絡不調所致也。乳汁勿投於地。蟲蟻食之。令乳無汁。可沃東壁。上佳。

療產後乳無汁。

土瓜根 漏蘆各三兩 甘草二兩 通草四兩
右水八升。煎取兩升。分溫三服。忌如常法。

又方

土瓜根

右為末。酒調兩錢匕。日進二三服效。

又方

母猪蹄二枚

通草六兩

右以綿裹。煮作羹食之。最好。

又方

漏蘆

通草

土瓜根各三兩

甘草

桂心各一兩

右為散。飲服方寸匕。日進三服。

又方

栝樓末

右以井花水服方寸七日二服夜流出。

產後乳結癰方論第四十凡十九道

論曰。產後宜裂去乳汁。不宜蓄積。不出惡汁。內引瘀熱。則結硬堅腫。牽急疼痛。或渴思飲。其爛手近不得。若成膿者名妬乳。乃急於癰。宜服連翹湯。利下熱毒。外以赤小豆末水調塗之。便愈。忽數担去乳汁。忽小孩手勻動之。忽大人含水啣之。得汁吐之。其汁狀如膿。若產後不曾乳兒。蓄積乳汁。亦結成癰。療產後妬乳并癰。

連翹子

升麻

芒硝各十

玄參

芍藥

白斂

漢防己

夜干各八

大黃分十二

甘草六分

杏仁去尖十枚

右水九升。煎取三升。下大黃。次下硝。分三服。

又方

又方 右熟搏傅腫上。日三度易之。并葉煎汁飲之。亦佳。食之亦得。妬乳及癰並差。

地黄

右取汁。塗熟即差。

療乳腫

右以馬溺塗之。立愈。

療婦人發乳。丈夫發背。爛生膿血後。虛成氣疾。

黃耆

地黄

麥門冬

升麻

人參

茯苓各三兩

當歸

芍藥

遠志

甘草各一兩

大棗十枚

右水二升。煮取一升。分溫兩服。

療乳頭裂破。

右以丁香為末。傅之立愈。

療妬乳及癰。

葵莖及子

右搗篩爲散。服方寸七卽愈。

又方

雞尿

右爲末。服方寸七。須臾三服愈。

又方

皂莢十條

右以酒一升。揉取汁。硝石半兩。煎成膏。傅之。療諸癰不散。已成膿。懼鍼。令自決破下。

右取白雞內翅。及第一翎各一莖。燒末服之。卽決。

又方

取雄雀糞白者。研塗上。乾卽易之。

療乳癰初得令消。

赤小豆

莽草

右等分爲末。苦酒和傅之愈。

療發背乳癰。四肢虛熱大渴。

竹葉切三升以水一斗

芍藥 人參

升麻 黃耆

大棗杼十二

右以竹葉汁煮取三升。渴則飲之。

療乳腫方。

升麻 白斂

芒硝各二兩

大黃各三兩

黃芩

右水二升。煎取一升。下硝。分爲兩服。後以綿繻藥貼腫上。日夜勿停。即差。

又方

黃礬末一分 鷄子白

右調和勻塗之。乾則易。立愈。

又方

芋根

右搗傅之愈。

又方

鹿角

右於石上磨取濁汁塗上。乾即易之。

又方

鹿角

右燒作灰。以酒調塗之。立愈。

又方

黍米粉炒令黑

右以鷄子白和如泥。以塗帛上貼之。穿帛作穴。以泄癰毒氣。易之效。

產後乳汁自出方論第四十一 凡三道

論曰。產後乳汁自出。蓋是身虛所致。宜服補藥以止之。若乳多溫滿急痛者。溫熨之。療乳癰始作。

大黃

樗

實各三兩

芍

藥六分

馬

蹄炙六分

經效產寶卷下 產後乳汁自出方論第四十一

一八

經效產寶續編

周頰傳授濟急方論凡四道

頰嘗見人傳經效諸方。自曾修合。實有大功。遂編於卷末。普用傳授。以濟急難。治產後血暈血氣。及滯血不散。便成癥瘕兼瀉。面色黃腫。嘔逆惡心。頭痛目眩。口吐清水。四肢羸弱。五臟虛怯。常日睡多。喫食減少。漸覺羸瘦。年久變為勞疾。如此所患。偏宜服餌勝金丸。

- | | | | | |
|-----|----|-----|------|-----|
| 澤蘭 | 四兩 | 當歸 | 芍藥 | 芫荽 |
| 甘草 | 芎藭 | 各六分 | 乾薑 | 桂心 |
| 石膏 | 桔梗 | 細辛 | 茱萸 | 各三分 |
| 柏子仁 | 防風 | 厚朴 | 烏頭 | |
| 白微 | 枳殼 | 南椒 | 金釵石斛 | |
| 石領 | 蒲黃 | 茯苓 | 白朮 | |
| | | 各三分 | | |

白芷 人參 藁本 青木香各一分
 右二十八味。並州土分兩无差。杵羅為末。煉蜜為丸。彈子大。有所患。熱酒研一丸。入口便愈。大忌腥膩熱麵豉汁生葱冷水菓子等。若死胎不下。胎衣在腹。並以炒鹽酒研服。未退再服。
 治產後諸疾。聖散子。

澤蘭 <small>九分</small>	石膏 <small>八分</small>	芎藭	當歸
芫蕘	芍藥	甘草 <small>各七分</small>	乾薑
桂心 <small>各五分</small>	細辛	卷柏 <small>去土</small>	柏子仁
茱萸	防風 <small>去蘆</small>	南椒 <small>出汗</small>	厚朴 <small>薑汁</small>
茯苓 <small>各四分</small>	白芷	白朮	人參
丹參	藁本	五味子	黃耆 <small>各三分</small>
烏頭炮	白微 <small>各二分</small>		

右搗羅為散。以新瓦器密封。毋令失氣。每服以熱酒調下兩錢七。忌如常。
 神效治產後一切疾。黑散子。

鯉魚皮燒灰三兩

芍藥

蒲黃各二兩

當歸

沒藥

桂心

好墨

卷柏

青木香

麝香各一兩

銚墨半兩

丈夫髮灰半兩

右一十二味。搗羅為散。以新瓷器盛。密封勿令失氣。每產後以好酒調下一錢。七。如血暈衝心。下血不盡。臍下攪刺。疼痛不可忍。塊血癥疾甚。日加兩服。不拘時候服。忌冷物果子粘食。

神效療妊娠十個月內不安。至臨分解時。並宜服此。保生丸。

金釵石斛

貝母去心

黃芩

明淨石膏細研

桂心

烏頭卷

秦椒去目

蜀椒去目

甘草炙

糯米炒已上

右並須州上者。如法修合為散。煉蜜丸。如彈子大。或有妊娠諸疾。喫食減少。及氣喘疾痛。面目萎黃。身體羸瘦。四肢無力。手脚浮腫。胎臟不安。並以棗湯研一丸服。氣痛酒研一丸。空心服之。忌腥膩果子粘食雜物冷肉等。

濮陽李師聖施郭稽中論二十一證方十六道

第一論 熱病死胎腹中者如何。

答曰。母患熱疾。至六七日。以致藏府熱極。蒸煮其胎。是以致死。緣兒死身冷。不能自出。但服黑神散暖其胎。須臾胎氣溫暖。兒即自出。何以知其死。看產婦舌色青者。是其驗。宜以黑神散主之。

雄黑豆小者是炒去皮用二兩

當歸芍藥

甘草炙 乾薑

蒲黃用安石器內炒赤色肉桂

熟地黄洗溫

右等分。焙乾為末。每服二錢。空心溫酒調下。若三十歲已上。生產少者。不用桂、薑。却以炒生薑、紅花各二兩。

第二論 胎衣不下者如何。

答曰。母生子了。血流入衣中。為血所脹。遂不能下。若治之稍緩。則滿腹中上衝。心胸疼痛。喘急難治。但服奪命丹。速去衣中血。血散脹消。胎衣自下。而無所患矣。奪命丹。

附 子半兩炮去皮臍

牡丹皮 一兩

乾漆一分研碎炒令烟出

右爲末。用醞醋一升。大黃末一兩。熱成膏。和藥丸如菉豆大。溫酒送下五七丸。不計時候。

第三論 難產者如何。

答曰。胎側則成形塊者。呼爲兒枕。子欲生時。枕破敗血裹其子。故難產。但服勝金散治之。逐其敗血。兒即自生。若橫生逆生皆治之。

麝香一錢

鹽

豉

一兩用舊青布裹火燒令通紅急以乳槌研爲細末

右爲末。取秤錘燒紅。以酒淬之。每服調一錢。

第四論 悶絕不知人事者如何。

答曰。產後血氣暴虛。未得安靜。血隨氣上攻。迷亂心神。眼前生花極甚者。令人悶絕。不知人事。口噤神昏氣冷。醫者不識。呼爲暗風。若如此治之。必難愈。宜服清魂散。

澤蘭葉一分

人參一錢

荊芥穗一兩

芎半兩

甘草二分

右爲末。每服一錢。熱湯半盞。入溫酒半盞。調勻急灌之。藥下便愈。

第五論 口乾痞悶者如何。

答曰。產宮胃太虛。血氣未定。食麵太早。胃不能消化。麵毒結聚於胃脘。上熏胸中。是以口乾煩渴。心下痞悶。醫者不識。認爲胸膈壅滯。以藥下之。萬不能一。但服眼兒現丸。

薑黃

京三稜炮

畢澄茄

人參

陳皮去白

高良薑

蓬莪朮

右等分爲末。用細切蘿蔔。慢火煮令爛。研細。將餘汁煮麵糊爲丸。菘豆大。每服十丸。蘿蔔湯下。不拘時候。

第六論 產後乍寒乍熱如何。

答曰。陰陽不和。敗血不散。皆作乍寒乍熱。產後血氣虛損。陰陽不和。陰勝則乍寒。陽勝則乍熱。陰陽相乘。則或熱。若因產勞傷臟腑。血弱不能寬越。故敗血不散。入肺卽熱。入脾卽寒。醫人若作寒瘧疾治之。則謬矣。陰陽不和。宜服增減四物湯。敗血不散。宜服奪命丹。

又問二者何以別之。

答曰。時有刺痛者。敗血也。但寒熱無他證者。陰陽不和也。增減四物湯。

當歸

芍藥

芎

人參

乾薑炮裂各二兩

甘草炙四兩

右為末。每服二錢。水一盞。生薑五片。同煎至六分。去滓。微熱服。不計時候。

第七論 產後四肢虛腫者如何。

答曰。產後敗血乘虛。停積於五臟。循經流入四肢。留滯入深。回還不得。腐壞如水。故令四肢面目浮腫。醫者不辨。作氣治之。凡水氣多用導水藥極虛之。夫產後既虛。又以藥虛之。是重虛也。但服調經散。血行腫消。則病自愈。

沒藥研一錢

琥珀研一錢

桂去粗皮半錢

芍藥一錢

當歸一錢

麝半錢

細辛半錢

右為末。每服半錢。生薑汁溫酒各少許。調勻服之。

第八論 產後不語者如何。

答曰。人心有七孔三毛。產後血流氣弱。多致停積。敗血閉於心竅。神志不能明了。又心氣通於舌。心氣閉則舌亦強矣。故令不語。但服七珍散。

人參

石菖蒲

川芎

熟地黄各一

細辛一錢

防風半兩

朱砂半兩

右為末。每服一錢。薄荷湯調下。不拘時候。

第九論 產後乍見鬼神者如何。

答曰。心主身之血脈。因產傷耗血脈心氣。則虛血停積。上干於心。受觸激。遂生煩躁。坐臥不安。乍見鬼神。言語顛錯。醫者不識。呼為風邪。如此治之。必不能愈。但服調經散。加生龍腦一捻。得睡即安。調經散方。在第七論中。

第十論 產後腹痛又瀉痢者如何。

答曰。產後腸胃虛怯。寒邪易侵。若未滿月。飲冷當風。則寒邪乘虛進襲。留於胸腹。散於腹脅。故腹痛作陣。或如錐刀所刺。流入大腸。水穀不化。洞泄腸鳴。或下赤白。腹脅填脹。或走痛不定。急服調中湯立愈。醫者若以為積滯取之。則禍不旋踵矣。

高良薑

當歸

桂去皮

芍藥

附子炮去

川芎各一

甘草半兩

右爲粗末。每服三錢。水三盞。煎至一盞。去滓。熱服。

第十一論 產後遍身疼痛者如何。

答曰。產後百節開張。血脈流走。遇氣弱則經絡分肉之間。血多留滯。累日不散。則骨節不利。筋脈引急。故腰背轉側不得。手足搖動不得。更身熱疼痛。醫者以爲傷寒治之。若出汗則筋脈動惕。手足厥冷。變生他病。但服趁痛丸以墨塗之。

牛膝

當歸

桂去皮

白朮

黃耆各半兩

薤白一分

獨活半兩

生薑半兩

甘草炙一錢

右爲粗末。每服半兩。水五盞。煎至二盞。去滓。熱服一盞。

第十二論 產後大便秘澀者如何。

答曰。產臥水血俱下。腸胃虛竭。津液不足。故大便秘澀。若過五六日。腹中悶痛者。乃有燥糞在臟腑。以其乾澀。不能出耳。宜服麻仁丸。更以津潤之。若誤以爲熱而投寒藥。則陽消陰長。變動百生。性命危矣。麻仁丸。

麻仁研

枳殼炒

人參

大黃各半兩

右為末。煉蜜丸。梧桐子大。空心溫湯下二十九。未通加丸數。

第十三論 產後血崩者何

答曰。產臥傷耗經絡。未得平復。而勞役損動。致血暴崩下。淋漓不止。或因鹹酸不節。傷蠱營衛。氣衰血弱。亦變崩中。若小腹滿痛。肝經已壞。為難治。急服固經丸以止之。

艾葉

補骨脂炒

木賊草

赤石脂各半兩

附子三枚炮去皮臍

右為末。陳米飲和丸。桐子大。食前溫酒下二十九。米飲亦得。

第十四論 產後腹脹悶滿嘔吐不定者何

答曰。血散於脾胃。脾受之。不能運化精微而成腹脹。胃受之。則不得受納水穀。而生吐逆。醫者不識。若以尋常治脹止吐藥療之。病與藥不相干。轉更傷動正氣。疾愈難治。但服抵勝湯必瘥。

赤芍藥

半夏湯洗

人參

陳皮各二錢

澤蘭二錢

甘草錢一

生薑半兩

右爲粗末。水二盞。煎至一盞。去滓。微熱服。分爲三服。

第十五論 產後口鼻黑氣起及鼻衄如何。

答曰。陽明者。經絡之海。起於鼻交頰中。還出俠口。交人中之左右。是蓋因夫產後氣消血散。榮衛不理。散亂入諸經絡。回還不得。致令口鼻黑氣起。及變鼻衄。此緣產後諸虛熱變生此疾。不可治也。名曰脾絕肺散。

第十六論 喉中氣急喘者如何。

答曰。榮者血也。衛者氣也。榮行脈中。衛行脈外。相隨上下。謂之榮衛。因產後下血過多。榮衛暴竭。氣無所生。獨聚於肺中。故令喘也。此名孤陽絕陰。爲難治。若惡露不快。敗血停凝。上熏於肺。亦令喘急。可服奪命丹。方見前第二論中。

第十七論 產後中風者如何。

答曰。產後五七日內。強力下床。或一月之內。傷於房室。或懷憂悲怒。擾蕩洩和氣。或因着灸驚惕。臟腑得疾之初。眼澀口噤。肌肉相搐。腰脊筋急。強直者。不可治。此乃人作。非偶爾中風所得也。

第十八論 產後心痛者如何。

答曰。心者血脈之主。人有挾宿寒。因產大虛。寒搏於血。血凝滯不得消散。其氣逆上。衝擊於心經。故心痛。宜以大崑蜜湯。治寒則去。血脈溫則經絡通。心痛自止。若誤以為有所傷。治之則虛極而寒益甚矣。心絡寒甚。傳心之正經。則變成心痛者。朝發則夕死。是藥不可輕用也。

乾地黄

當歸

獨活

吳茱萸

芍藥

乾薑炮

甘草炙各一兩

細辛半兩

桂一兩去粗皮

少草一兩遠志是也

右為粗末。每服半兩。用水三大盞。煎取一盞。去滓微熱。

第十九論 產後熱悶氣上轉為脚氣者如何。

答曰。產後臥血虛生熱。復因春夏取涼過多。地之蒸濕。因足履之。所以着成脚氣。其狀熱悶掣廢。驚悸心煩。嘔吐氣上。皆其候也。服小續命湯。三二劑必愈。若誤以敗血藥攻之。則血去而病益增矣。

人參

黃芩

官桂去皮

白朮

防己

麻黃去節

川芎

芍藥

甘草各一兩

生薑

五兩

防風

兩半

附子

一枚去皮

右為末。每服半兩。用水五盞。煎去滓。溫服。

第二十論 產後出汗多而變痙風如何。

答曰。產後血虛。內理不密。故多汗。因遇風邪搏之。則變痙風也。痙者口噤不開。背強而直。如發痙狀。搖頭馬鳴。身反折。須臾十發。息如絕。宜速斡開口。灌小續命湯。稍暖即出汗如雨。手拭不及者不治。

第二十一論 產後下血過多虛極熱生風如何。

答曰。婦人以榮血為主。因產血下太多。氣無所主。脣青肉冷。汗出。目瞑。神昏。命在須臾。此皆虛熱非風也。可服濟危上丹。若以風藥治之。則誤人矣。

乳香研

石靈脂

留黃研

陳皮去白

桑寄生

真阿膠炙烱成米子

太陰玄精石研

右將上四件。同研勻。石器內微火上炒動。勿令焦着。炒了再研細。後入餘藥末。用地黃汁煮糊為丸。菉豆大。每服酒下二十九。當歸酒尤佳。

產後十八論方凡九道

一曰。產後因熱病。胎死腹內者。如何。

答曰。蓋因母患熱病。經六七月間。藏府熱。遂煮其胎熱。是致死。故知之。緣死卽身熱痛。只因沫出。爪甲指黑。四肢逆冷。但服烏金散。其胎卽下。

二曰。產難者如何。

答曰。蓋其胎以或成形。爲食實物後。十月足日。食有餘。遂有成塊。呼爲兒枕。欲生時塊破。遂血裹其子。故難產。但服烏金散。解其敗血。卽自生。或橫生逆生。不下。並宜服之。

三曰。產後衣不下者如何。

答曰。母生子了。產後血入衣中。被血所脹。故當難下。但服烏金散。去其衣中血。卽下。如帶斷亦同。

四曰。血暈者如何。

答曰。產後三日起坐不得。眼前生花。卽運走五臟。流入汗血。醫人不識。呼爲暗風。但可服烏金散。

五曰。口乾心悶者如何。

答曰。產後七日已來。血氣未盡。蓋爲母食麵。結盛心上。是以煩躁乾渴。醫人不識。將謂胸膈不利。壅滯所致。烏金散立效。

六曰。乍寒乍熱者如何。

答曰。產後虛羸。敗血入於肺臟。卽熱卽寒。醫人不識。呼爲瘧疾。誤矣。宜服烏金散立效。

七曰。產後虛腫者如何。

答曰。血敗於五臟。流入四肢。卽還不得。遂成膿血。醫人不識。呼爲水氣。血氣何以知之。若水氣喘而小腸澀。血氣傷而四肢塞。但服烏金散。薑酒調下。須臾服朱砂丸。令瀉下毒物卽愈。

八曰。乍見鬼神者如何。

答曰。敗血流入於心。心不受觸。遂被心熱。極燥三兩日。言語顛狂。醫人不識。呼爲風邪太誤。宜服烏金散療之。

九曰。產後月內不語如何。

答曰。人心有孔。孔內有毛。產後敗血閉毛。故不語也。宜服烏金散。

十日。腹內疼痛。兼瀉痢者如何。

答曰。產後未滿月。飲冷水。與血相聚。大腸水穀不化。或腹脹痛。急服烏金散。更加服氣藥。止瀉藥。

十一日。產後遍身疼痛者如何。

答曰。產後百節開張。敗血走流諸處。留停日久。不散結聚。成此疼痛。宜服烏金散。有效。

十二日。產後血崩者如何。

答曰。產後敗血惡露自下未止間。早先治之。及食鹹酸之物。遍體無血色。腹痛難治。肝家欲發寒熱作悶。宜服烏金散。須臾服朱砂丸。

十三日。產後血氣不通咳嗽者如何。

答曰。產後咳嗽。多以食熱麵壅結。或熱病。或有氣塊。發時冲心痛。氣急咳嗽。四肢寒熱。心悶口乾。或時煩燥。睡夢驚悸。氣虛。肢體無力。宜服烏金散。

十四日。產後乍寒乍熱。心痛。月候不來如何。

答曰。敗血冲心。痛遶臍腹。面色無采。縱然得效。暫時痊安。不過三兩日又發。服

烏金散大效。

十五日。產後腹脹滿。嘔逆不定者如何。

答曰。敗血停於脾胃。食充胃。胃充氣。既不安。即吐逆。冲腹脹。急服烏金散。次服朱砂丸。三兩日。炒生薑一錢。醋湯下七丸。立效。

十六日。產後口鼻黑氣。及鼻衄者如何。

答曰。敗血入臟腑。頭目却還不得。口乾舌焦。鼻黑起。是產後變作此候。名曰敗肺。此不可治療。

十七日。產後喉中氣喘急者何如。

答曰。產後敗血不盡。冷惡死血上衝心。過於心。即轉於喉。喉中即喘。醫人不識。認作風涎。十死不治。

十八日。產後中風者如何。

答曰。產後七日。無故下床。一月之內。傷於房室。或因着熱。有驚臟腑。風中之物。眼澀腰疼。似角弓之反張。牙關閉。急宜治之。亦非風疾所致也。

烏金散

乾地黄熟水浸

肉桂去皮

蒲黃紙裹各二兩炒

黑豆炒盡烟二兩

當歸洗

芍藥

甘草炙

白薑炮已上各一兩

右為末。空心。日午夜中。熱酒下二錢七。忌生冷一切毒物。

朱砂丸 治產後因寒瘀積。結成諸疾。

黑附子炮去半兩皮

肉桂半兩去皮

白薑半兩炒

川巴豆一錢醋浸去皮研

右細研麵糊為丸。麻子大。每服三丸。至五丸。冷茶下。服之取瀉為度。

治產後胎衣不下。

鷄子白 一個

滑石末 二錢

右灘頭急流水。調下立出。

治孕婦傷寒。

柴胡

前胡

川芎

川當歸

地黄

人參

芍藥

粉草

右等分為末。每服兩錢。棗四枚。薑錢三片。同煎服。要出汗加葱。

治孕婦傷寒。涎嗽。

知母

杏仁去皮炒

天門冬去心

桑白皮

右等分為粗末煎去滓服。

治婦人帶下。黃君正方

茅花一握炒

椶櫚炭三寸

嫩蓮葉三個

甘草節

右為末。

經效產寶終

經效產寶續編

產後十八論